

諸法無行經



一百五十二  
常二

48294



元祿九年丙子二月日重修

皇圖瑛瑛固 帝潛緞昌

佛日增輝 懋輪崇轉

山城州天安寺法金剛院置

諸法無行經卷下

姚秦三藏法師鳩摩羅什譯

常二

尔時文殊師利法王子白佛言世尊我亦樂  
 說不勤相佛言汝樂說者便可說之文殊師  
 利言世尊一切衆生皆得善提是名不勤相  
 文殊師利云何是事名不勤相世尊一切法  
 無向無得一切衆生皆入善提性中是故說  
 一切衆生皆得善提又是善提非是得相何  
 以故衆生性即是善提是故一切衆生皆得  
 善提名不勤相世尊一切衆生皆成就一切  
 智慧名不勤相文殊師利云何是事名不勤  
 相世尊一切衆生無性性故入如來平等中



者去三下



從本已來是一切智慧性性同故為不動相  
世尊一切衆生皆是道場是不動相文殊師  
利云何是事名不動相世尊道場者有何義  
文殊師利一切法寂滅相無生相無所有相  
不可取相是名道場義世尊一切衆生不入  
此道場耶佛言如是如是是故世尊一切衆  
生皆是道場名不動相世尊一切衆生皆得  
無生法思名不動相文殊師利云何是事名  
不動相世尊一切衆生無盡無生無滅性離  
無性入平等忍故是故一切衆生皆得無生  
法思名不動相世尊一切衆生皆得無礙辦  
才名不動相文殊師利云何是事名不動相

世尊一切衆生諸所有樂說於十方界索不  
可得所以者何入無礙辯才平等法中故世  
尊諸所樂說自性皆離無決定故無所有是  
故一切衆生皆得無礙辯才名不動相世尊  
一切衆生皆得陀羅尼名不動相文殊師利  
云何是事名不動相世尊一切衆生相虛誑  
不實憶想分別取相故能持色聲香味觸法  
是故一切衆生皆得陀羅尼名不動相世尊  
一切衆生皆得慈心名不動相文殊師利云  
何是事名不動相世尊一切衆生無衆生性  
從本已來無瞋無慈得瞋慈平等無分別故  
是故一切衆生皆得慈心名不動相世尊一

切衆生皆成就大悲名不動相文殊師利云  
何是事名不動相世尊一切衆生無起無作  
相皆入如來平等法中不出大悲之性以惱  
悲無分別故是故一切衆生皆成就大悲名  
不動相世尊一切衆生皆得三昧名不動相  
文殊師利云何是事名不動相世尊一切衆  
生性常定離諸緣故若衆生從緣生知於緣  
中知生不名爲知所以者何諸知念念無常  
畢竟空故是故一切衆生皆成就三昧名不  
動相世尊一切諸佛成就貪欲名不動相文  
殊師利云何是事名不動相世尊一切諸佛  
皆入貪欲平等法中故遠離諍訟通達貪欲



性故又世尊貪欲即是菩提何以故知貪欲  
 實性說名菩提是故一切諸佛皆成就貪欲  
 名不動相世尊一切諸佛皆成就瞋恚名不  
 動相文殊師利云何是事名不動相世尊一  
 切諸佛皆說有為法過罪者安住瞋恚平等  
 性中通達瞋恚性故名一切諸佛皆成就瞋  
 恚名不動相世尊一切諸佛皆成就愚癡名  
 不動相文殊師利云何是事名不動相世尊  
 一切諸佛能度一切貪著名字衆生安住愚  
 癡平等性中通達愚癡性故名一切諸佛  
 成就愚癡名不動相世尊一切諸佛皆成就  
 身見名不動相文殊師利云何是事名不動

者去...  
 者去...

相世尊一切諸佛安住身見性中於一切法  
 中不退不畏不動畢竟安住以不住法故通  
 達知身見無生無起無性故是故一切諸佛  
 皆成就身見名不動相世尊一切諸佛皆是  
 邪見名不動相文殊師利云何是事名不動  
 相世尊一切諸佛示一切有為法是邪虛誑  
 不實者通達邪見性平等故是故一切諸佛  
 皆是邪見名不動相世尊一切諸佛住四顛  
 倒五蓋五欲三毒中得阿耨多羅三藐三菩  
 提名不動相文殊師利云何是事名不動相  
 世尊住處性即是非住處文殊師利非住處  
 有何義世尊非住處者退轉動還相即是一



切凡夫人一切諸佛安住是貪欲瞋恚愚癡  
四顛倒五蓋五欲平等中是諸佛安住貪欲  
性故得阿耨多羅三藐三菩提安住瞋恚愚  
癡四顛倒五蓋五欲性故得阿耨多羅三藐  
三菩提是故一切諸佛住四顛倒五蓋五欲  
三毒中得阿耨多羅三藐三菩提名不動相  
尔時佛告文殊師利法王子若有人問汝斷  
一切不善法成就一切善法名爲如來者汝  
云何答文殊師利言世尊若有人問我斷一  
切不善法成就一切善法名爲如來者我當  
如是答善男子汝先當親近善知識修集善  
道於法無所合無所離勿取勿捨勿緣勿求

勿舉勿下勿求勿覓勿願勿分別諸法是上  
是中是下然後當知不可思議行處無行處  
斷行處佛所行處

佛告文殊師利汝如是答者爲答何義文殊  
師利言世尊我如是答者爲無所答世尊如  
是如佛坐於道場頗見法有生有滅不佛言  
不也世尊若法無生無滅是法可得說斷一  
切不善法成就一切善法不佛言不也世尊  
若法不生不滅不斷一切不善法不成就一  
切善法是法何所見何所斷何所證何所修  
何所得說是語時虛空中萬天子以天青黃  
赤白蓮華散佛文殊師利上皆下禮佛及文

殊師利足而作是言世尊文殊師利名爲無  
礙尸利文殊師利名爲不二尸利名爲無餘  
尸利名爲無所有尸利名爲如尸利法性尸  
利實際尸利第一尸利上尸利無上尸利  
文殊師利語諸天子言止止諸天子汝等勿  
取相分別我不見諸法是上是中是下如汝  
所說文殊師利義者我是貪欲尸利瞋恚尸  
利愚癡尸利是故我名文殊師利諸天子我  
不出貪欲瞋恚愚癡凡夫人分別諸法未過  
出至到諸菩薩於法無過無出無至無到  
諸天子言菩薩不到十地不至佛法耶文殊  
師利言於諸天子意云何幻人能到十地至



佛法不諸天子言幻人尚無住處何況從此  
住地至於餘地文殊師利言諸天子一切法  
如幻無去無來無邊無出無至無到諸天子  
言汝不當得阿耨多羅三藐三菩提耶文殊  
師利言諸天子於意云何凡夫貪欲覆心能  
坐道場得一切智不諸天子言不也諸天子  
言文殊師利汝今貪欲覆心是凡夫耶文殊  
師利言如是如是我是凡夫從貪欲起從瞋  
恚起從愚癡起我是外道是邪行人諸天子  
言以何事故自言我是夫凡從貪欲起瞋恚  
起愚癡起文殊師利言是貪欲瞋恚愚癡性  
十方求之不可得我以不住法住是性中故

說言我是凡夫三毒所覆文殊師利汝云何  
名外道文殊師利言我終不到外道諸道性  
不可得故我於一切道爲外諸天子言汝云  
何是邪行人文殊師利言我已知一切法皆  
是邪虛妄不實是故我是邪行人說是法時  
萬天子得聞是語皆得無生法忍各作是言  
是諸衆生皆得大利得聞是真正金剛語句  
何況聞已信解受持讀誦爲人解說如說修  
行當得無礙辯才一切法中得真慧照明巧  
說諸法一相一門亦能示衆生一切諸法皆  
是佛法

小時華戲慧菩薩白佛言世尊願說入音聲

慧法門令當來菩薩聞如是法不驚不怖亦  
知一切音聲究竟之性不疑不悔於諸音聲  
無所障礙佛言止止用問是事爲是入音聲  
慧法門不應於新發意菩薩前說所以者何  
新發意者不能解不能知不能思若菩薩摩  
訶薩入是音聲慧法門者假使有人於恆  
河沙劫惡口罵詈誹謗毀訾是人不生恚恨  
若人於恆河沙劫以一切樂具供養不生愛  
心譬如漏盡阿羅漢一切愛處不生愛心一  
切瞋處不生瞋心善男子入是音聲慧法門  
菩薩於利衰毀譽稱譏苦樂已過是八法心  
不顛動如須彌山王



尔時華戲慧菩薩復白佛言願必爲說入音  
聲慧法門當來菩薩得聞是法門當自知過  
咎亦教餘人

尔時佛告華戲慧菩薩善男子汝今諦聽善  
思念之當爲汝說唯然世尊願樂欲聞佛告  
華戲慧菩薩若菩薩聞貪欲音聲生過罪想  
聞離貪欲音聲生利益相即是不學佛法若  
聞瞋恚音聲生過罪想聞離瞋恚音聲生利  
益想即是不學佛法聞愚癡音聲生過罪想  
聞離愚癡音聲生利益想即是不學佛法若  
於少欲音聲生喜想於多欲音聲生礙想即  
是不行音聲法門於知足音聲生喜想於不

知足音聲生礙想即是不行音聲法門若於  
細行音聲生喜想於麤行音聲生礙想即是  
不行音聲法門若於樂靜音聲則喜於憤鬧  
音聲則礙則不學佛法若於忍辱音聲生利  
想於順恚音聲生礙想則不學佛法若於精  
進音聲生利想於懈怠音聲生礙想即是不  
學佛法於禪定音聲生利想於散亂音聲生  
礙想即是不學佛法於智慧音聲生利想於  
愚癡音聲生礙想則不學佛法若於近道音  
聲生喜於遠道音聲生礙則不學音聲法門  
於生死見過咎於涅槃見利益則不入音聲  
法門於彼岸則喜於此岸則礙則不學音聲

法門於聚落音聲生礙想於空閑音聲生喜  
想則不學音聲法門若於獨行音聲生喜想  
於衆行音聲生礙想則不學音聲法門於比  
丘所行音聲生喜想於白衣所行音聲生礙  
想則不學音聲法門於有威儀則喜於無威  
儀而礙則不學佛法於清淨行則喜於不清  
淨行而礙則不學佛法於不雜行則喜於雜  
行而礙則不學佛法於離欲行則喜於淫欲  
行而礙則不學佛法於離瞋恚相則喜於瞋  
恚相而礙則不學佛法於離癡相則喜於癡  
相而礙則不學佛法於空則喜於有而礙則  
不學佛法於無相則喜於有相而礙則不學



佛法於無作則喜於有作而礙則不學佛法  
於喜薩行則喜於聲聞辟支佛行而礙則不  
學佛法若說喜薩過外則遠阿耨多羅三藐  
三菩提亦受業障罪若說喜薩威儀過罪則  
遠阿耨多羅三藐三菩提於他喜薩生下想  
於已生勝想則爲自傷亦受業障罪若喜薩  
欲教餘喜薩當生佛想然後教之喜薩若欲  
不捨阿耨多羅三藐三菩提不應生心輕餘  
喜薩善男子無有滅失功德如輕恚餘喜薩  
者是改喜薩若欲守護功德善根亦於一切  
法中得無障礙慧當晝夜各三時禮一切未  
佛道喜薩今時文殊師利法王子白佛言世

尊如我知佛所說義貪欲音聲佛音聲等無  
有異瞋恚音聲佛音聲等愚癡音聲佛音聲  
等末道音聲佛音聲等少欲音聲多欲音聲  
等知足音聲不知足音聲等細音聲麁音聲  
等樂獨音聲樂衆音聲等此岸音聲彼岸音  
聲等遠音聲近音聲等生死音聲涅槃音聲  
等聚落音聲空閑音聲等施音聲慳音聲等  
持戒音聲毀戒音聲等忍辱音聲瞋恚音聲  
等精進音聲懈怠音聲等禪定音聲散亂音  
聲等智慧音聲愚癡音聲等

爾時華嚴慧菩薩問文殊師利法王子以何  
因緣故皆等文殊師利言天子於意云何貪

欲音聲何者爲是天子言是貪欲音聲空如  
響法文殊師利言汝知佛音聲亦復云何天  
子言不出於空亦如響法文殊師利言以是  
因緣故我說二音聲皆是平等

今時佛告文殊師利汝先世住初發意地末  
入如是諸法相時爲起何障礙罪汝今說之  
當來世中假名菩薩聞汝所說障礙之罪當  
自守護文殊師利白佛言唯然世尊我當自  
說障礙之罪設闡是者當有憂怖然其必能  
滅障業罪亦於一切法中得無礙慧世尊乃  
住過去無量無邊不可思議阿僧祇劫今時  
有佛号師子吼鼓音王如來應供正遍知明



行足善逝世間解無上士調御丈夫天人師  
佛世尊其佛壽命十萬億那由他歲以三乘  
法而度衆生國名千光明其國樹木皆七寶  
成其樹皆出如是法音所謂空音無相音無  
作音無生音無所有音無取相音以是諸法  
之音令衆生得道其師子吼鼓音王佛初會  
說法九十九億聲闍弟子皆得阿羅漢諸漏  
已盡捨諸重擔逮得已利盡諸有結以正智  
得解脫善薩衆亦九十九億皆得無生法忍  
能善入種種法門親近供養若干百千萬億  
諸佛亦爲若干百千萬億諸佛之所稱歎能  
度若干百千萬億無量衆生能生無量陀羅

尼門能起無量百千萬億三昧門及餘新發  
菩薩意者不可稱數其佛國土無量莊嚴說  
不可盡彼佛住世教化已訖入無餘涅槃滅  
度之後法住六萬歲諸樹法音皆不復出介  
時有菩薩比丘名曰喜根時為法師曾直端  
正不壞威儀不捨世法亦時衆生普皆利根  
樂聞深論其喜根法師於衆人前不稱讚少  
欲知足細行獨處但教衆人諸法實相所謂  
一切法性即是貪欲性貪欲性即是諸法性  
瞋恚性即是諸法性愚癡性即是諸法性其  
喜根法師以是方便教化衆生衆生所行皆  
是一相不徇是非所行之道心無恚癡無恚

礙因緣故疾得法忍於佛法中決定不壞世  
尊今時復有比丘法師行菩薩道名曰勝意  
其勝意比丘護持禁戒得四禪四無色足行  
十二頭陀世尊是勝意比丘有諸弟子其心  
輕動樂見他過世尊後於一時勝意菩薩入  
聚落乞食謔至喜根弟子某見舍主居士子  
即到其所敷座而坐爲居士子稱讚少欲知  
足細行說無利語過讚嘆遠衆樂獨行者又  
於居士子前說喜根法師過失是比丘不實  
以邪見道教化衆生是雜行者說姪欲無障  
礙瞋恚無障礙愚癡無障礙一切諸法皆無  
障礙是居士子利根得無生法忍即語勝意



此立大德汝知貪欲爲是何法勝意答言居士我知貪欲是煩惱居士言大德是煩惱爲在內外邪勝意答言不在內不在外大德若貪欲不在內不在外不在東西南北四維上下十方即是無生若無生者云何是垢是淨今時勝意比丘瞋恚不喜從座起去作如是言是喜根比丘以妄語法多惑衆人是勝意比丘以不學入音聲法門故聞佛音聲則喜聞外道音聲則瞋於梵行音聲則喜於非梵行音聲則瞋以不學入音聲法門故於淨音聲則喜於垢音聲則瞋以不學入音聲法門故於聖道音聲則喜於凡夫音聲則瞋以

不學入音聲法門故於樂音聲則喜於苦音  
聲則礙以不學入音聲法門故於出家音聲  
則喜於在家音聲則礙以不學入音聲法門  
故於出世間音聲則喜於世間音聲則礙以  
不學入音聲法門故於布施則生利想於慳  
則生礙想以不學佛法故於持戒則生利想  
於毀戒則生礙想是勝意比丘出其舍已還  
到所止於比丘僧中見喜根菩薩語衆人言  
是比丘多以虛妄邪見教化衆生所謂婬欲  
非障礙瞋恚非障礙愚癡非障礙一切法非  
障礙今時喜根菩薩作是念是比丘今者必  
當起於障礙罪業我今當爲說如是深法乃

至今作修助菩提道法因緣亦時喜根菩薩  
於比丘僧前說是諸偈

貪欲是涅槃 恚癡亦如是 於此三事中

有無量佛法 若有人分別 姪欲及瞋恚

是人去佛遠 譬如天與地 菩提與貪欲

是一而非二 皆入一法門 平等無有異

凡人聞怖畏 去佛道甚遠 貪欲不生滅

不能令心惱 若人有我心 反有得見者

是人為貪欲 將入於地獄 貪欲之實性

即是佛法性 佛法之實性 亦是貪欲性

是二法一相 所謂是無相 若能如是知

則為世間導 若有人分別 是持戒毀戒



|       |       |       |
|-------|-------|-------|
| 以持戒狂故 | 輕憊於他人 | 是人無菩提 |
| 亦無有佛法 | 但自安住立 | 有所得見中 |
| 若住空閑處 | 自貴而賤人 | 尚不得生天 |
| 何況於菩提 | 皆由著空閑 | 住於邪見故 |
| 邪見與菩提 | 皆等無有異 | 但以名字數 |
| 語言故別異 | 若人通達此 | 則為近菩提 |
| 分別煩惱垢 | 即是著淨見 | 無佛菩提法 |
| 住有得見中 | 若貪著佛法 | 是則遠佛法 |
| 貪無礙法故 | 則還受苦惱 | 若人無分別 |
| 貪欲瞋恚癡 | 入三毒性故 | 則為見菩提 |
| 是人近佛道 | 疾得無生忍 | 若見有為法 |
| 與無為法異 | 是人終不得 | 脫於有為法 |

者去云二十一卷一

若知二性同 必為人中尊 佛不見善提

亦不見佛法 不著諸法故 降魔成佛道

若欲度衆生 勿分別其性 一切諸衆生

皆同於涅槃 若能如是見 是則得成佛

其心不閑寂 而現寂靜相 是於天人中

則為是大賊 是人無善提 亦無有佛法

若作如是願 我當得作佛 如是之凡夫

無明力所牽 佛法甚清淨 其喻如虛空

此中無可取 亦無有可捨 佛不得佛道

亦不度衆生 凡夫強分別 作佛度衆生

是人於佛道 則為甚大遠 若見衆生苦

則是受苦者 衆生無衆生 而說有衆生

任衆生相中

則無有善提

若人見衆生

是畢竟解脫

無有姪恙癡

知是爲世將

若人見衆生

不見非衆生

不得佛法實

佛同衆生性

若能如是知

則爲世間導

若人欲成佛

莫壞貪欲性

貪欲性即是

諸佛之功德

若人欲發心

隨順善提道

莫自有分別

心異於善提

發心即善提

知是爲世將

若說外道惡

稱佛世中尊

是二說不異

知是爲世將

若人求善提

是人無善提

若見善提相

是則遠善提

善提非善提

佛陀非佛陀

若知是一相

是爲世間導

若人作是念

我當度衆生

者去無二證下



即著衆生相

是人無菩提

亦無有佛法

住於有見中

貪欲無内外

亦不在諸方

分別是空法

凡夫為所燒

如幻如焰響

如夢石女兒

諸煩惱如是

決定不可得

不知是空故

凡夫為狂惑

若未煩惱性

煩惱即是道

若百人分別

是道是非道

是人終不得

無分別菩提

凡夫畏佛法

去佛法甚遠

若不疑空法

是人得菩提

一切有為法

即是無為法

是數不可得

無數故無為

若以菩提心

自高無所畏

自念當作佛

是人無菩提

亦無有佛法

離菩提寶印

若有但讀經

憶想而分別

不深思義趣

但為貪名利

自念當作佛

必成無有疑

唯貪於名利

讀經住閑靜

分別少欲行

還為貪所牽

若欲捨遠貪

不得遠於貪

若遠貪法實

是人能離貪

雖長夜持戒

得諸無礙禪

不入佛法味

不得法實際

知法無有性

不沒一切法

不言戒非戒

得脫有見中

以無持戒性

是知持戒法

如是知戒相

終不毀於戒

諸佛之法王

法藏正思議

無量方便方

引導諸眾生

以一相法門

令入寂滅道

凡夫聞佛說

無我無有法

一相自性空

不信墮深坑

雖白衣受欲

聞是法不畏

者去... 卷二...

勝行頭陀者

住在有見中

現在十方佛

利益諸世間

知法如虛空

皆已得菩提

若有無知者

樂於分別法

聞是實相法

則生疑怖畏

是人無量劫

備受諸苦分

說是諸偈法時三萬諸天子得無生法悉萬

八千人漏盡解脫即時地裂勝意比丘墮大

地獄以是業障罪因緣故百千億那由他劫

於大地獄中受諸苦毒七十四萬世常被誹

謗若于百千劫乃至不聞佛名字自是已後

還得值佛出家學道而無志樂於六十二萬

世常反道入俗亦以是業障餘罪故於若干

百千世諸根闇鈍世尊今時喜根法師於今



東方過十萬億佛土有國名寶莊嚴於中得  
阿耨多羅三藐三菩提号曰勝光明威德王  
如來應供正遍知今現在其勝意比丘今我  
身是世尊我未入如是法相門時受如是苦  
分別苦顛倒苦是故若有發菩提心者若勝  
小乘心者不欲起如是業障罪不欲受如是  
苦者不應拒逆佛法無有處所可生瞋礙  
佛告文殊師利汝聞是諸偈得何等利世尊  
我輩是業障罪已聞是偈因緣故在所生處  
利根智慧得深法忍得決定忍巧說深法文  
殊師利爲誰力故能憶如是無量阿僧祇劫  
罪業因緣世尊諸菩薩有所念有所說有所

思惟皆是佛之神力所以者何一切諸法皆  
從佛出佛告文殊師利若得佛十力若有聞  
是經者等無有異若得無生法忍聞是經者  
亦等無異文殊師利言如我知佛所說義聞  
此經者得無量不可思議功德之利文殊師  
利如是如是聞是經者得無量不可思議功  
德之利但佛不廣說何以故不修道不精進  
如是惡人聞說是利則不能信受  
今時文殊師利法王子及彌勒菩薩白佛言  
世尊護念是經於未來世後五百歲當令此  
經普演流布皆得受持魔若魔天不得其便  
今時佛欲護念是經法故左右顧眄即時十

方恒河沙無量國土六種震動如是則爲護  
念是經及十方恒河沙諸佛亦護念是經  
說是經時十方國土中恒河沙等無量衆生  
得無生法忍何況得聲聞無學者何況住學  
地者今時阿難即從座起偏袒右肩白佛言  
世尊當以何名斯經云何奉持佛告阿難是  
經名爲轉法輪行  
說是經已文殊師利法王子彌勒菩薩摩訶  
薩師子遊步菩薩摩訶薩華嚴慧天子等一  
切菩薩衆及阿難天人阿脩羅等聞佛所說  
皆大歡喜



諸法無行經卷下二

常

訾

訾 二同音紫 口毀也

懈

懈 二同音賣 及一怠也

蔑

蔑 莫結

拒逆

上音

顧

眄 下音

麴



